

յարակից շէնքերով. ընդարձակ է վանքը և ունի կալուսածներ ու հողեր: (Ս. Գէորգ վանքի պատմութիւնը և նկարագրութիւնը տեսնել Հ. Վ. Ե. էջ 318-328):

Լիւղի առանդոքիւններ. — Առաքելական քարոզութեան սկիզբէն՝ Լիւզ ունէր քրիստոնեաներ: Ս. Պետրոս օր մը հոն գնաց «տեսնելու համար հաւատացեալները» և այս առիթով հրաշքով մը բժշկեց Ենեան որ ութը տարիներէ ի վեր անդամալոյծ էր: «Եւ անոնք որ կը բնակէին Լիւզ և Սարոն տեսան զանիկա և հաւատացին ի Տէր» (Գործք. Թ. 32-35): Հոն էր որ Ս. Պետրոս ընդունեց այն լուրը որ շտապով զինքը Յոպպէ կը հրաւիրէր՝ ուր Տաբիգան վախճանած էր:

Երբ քրիստոնէութիւնը պետական կրօնք հռչակուեցաւ Կոստանդիանոսի օրով, Լիւզ ունեցաւ եպիսկոպոսական աթոռ: 325 ի Նիկիոյ ժողովին ներկայ եղող եպիսկոպոսներու ցանկին վրայ կը տեսնուի Լիւզի Ալիտիոս եպիսկոպոսին անունը: 415 ին Լիւզի մէջ գումարուեցաւ սինոդ մը՝ ուր ներկայ եղան 14 եպիսկոպոսներ դատելու համար Պեղագոսը:

Լիւզի եկեղեցին նուիրուած է Կապադովկիացի Ս. Գէորգ փառաւոր վկային: Տեղական աւանդութեան համաձայն որ կը տւէ մինչև Զ. դար, Ս. Գէորգ ծագումով Լիւզացի էր, և իր նշխարները Նիկոմիդիայէն բերուեցան իր ծննդավայրը: Սակայն Կեսարացի Եւսեբիոս 322 ին կը պատմէ մարտիրոսութիւնը ազնուատոհմ զինուորին որ հաւատաց Քրիստոսի Նիկոմիդիոյ մէջ Դիոկղետիանոսի առջև 303 ին, բայց չի տար սուրբին անունը և չի խօսիր անոր ծննդավայրին և ոչ ալ իր գերեզմանին տեղւոյն մա-